

**ԵՐԵՎԱՆԻ ՊԵՏԱԿԱՆ ՀԱՍՏԱՏԱՐԱՆԻ ԳԻՏԱԿԱՆ ՏԵՂԵԿԱԳԻՐ
УЧЕНЫЕ ЗАПИСКИ ЕРЕВАНСКОГО ГОСУДАРСТВЕННОГО УНИВЕРСИТЕТА**

Երկրաբանություն և աշխարհագրություն 3, 2013

Геология и география

Երկրաբանություն

УДК 553:622.7.097

**ՀՀ ԼԵՌԱՆԱՀԱՆՔԱՅԻՆ ԱՐԴՅՈՒՆԱԲԵՐՈՒԹՅԱՆ ԹԱՓՈՆՆԵՐԸ.
ԽՆԴԻՐՆԵՐՆ ԵՎ ՆՐԱՆՑ ԼՈՒԾՄԱՆ ՈՒՂԻՆԵՐԸ**

Ո. Ս. ՄՈՎՍԵՍՅԱՆ*

ԵՊՀ օգտակար հանածոների հանքավայրերի որոնման և հետախոզման ամրիուն, Հայաստան

Քանայի բառեր. լեռնահանքային թափոններ, տեխնածին ռեսուրսներ, քնապահպանական վտանգներ:

Ընդերքով հարուստ շատ երկրներում լեռնահանքային արդյունաբերությունը տնտեսական զարգացման և կենսամակարդակի բարձրացման հիմնական ճյուղերից է։ Սիևնոյն ժամանակ օգտակար հանածոների արդյունահանումը և վերամշակումը ննանատիպ երկրներում, սխալ տնտեսական քաղաքականության վարժման հետևանքով, կարող է բերել անհատնային քացասական բնապահպանական և սոցիալ-տնտեսական հետևանքների։ Հանքահունքային ռեսուրսների հնատեսիվ շահագործումից սպասվող շահույթը ի շահ երկրի հնարավոր է միայն լեռնահանքային ոլորտի զարգացմանը պատասխանատու մոռեցման դեպքում, նրա և նրանց ստացվող եկամուտների խելամիտ կառավարման արդյունքում։

Ներկայումս մետաղական հումքի արդյունահանման ամենատարածված եղանակը հանքավայրերի բաց եղանակով շահագործումն է, որն ապահովում է ընդերքից բոլոր օգտակար հանածոների արդյունահանման 2/3-ից ավելին։ Դա, ի տարբերություն ստորգետնյա շահագործման, անհամեմատ էժան եղանակ է, որը բոյլ է տալիս օգտագործել հզոր, բարձր արտադրողականությամբ սարքավորումներ և արդյունահանել խոշորամասշտար արքատ հանքարերի պաշարները։ Դրան նպաստում է նաև ժամանակակից տեխնոլոգիաների առկայությունը, որոնք բոյլ են տալիս մշակել վերը նշված ալյաս և դժվար հարստացվող հանքարերը։

Սակայն թվարկված դրական կողմերի հետ մեկտեղ, այդ աշխատանքներն ուղեկցվում են բազմաթիվ քացասական երևոյթներով։ Հանքավայրերի շահագործման ընթացքում բացի մեծածավալ ցածրորակ հանքարերից, որոնց մշակումից առաջանում են հարստապշերի հսկա քափոնակույտեր, մակերևույթից ստիպված են լինում նաև արդյունահանել, տեղափոխել և պահեստափոխել դատարկ ապարների և ոչ կոնդիցիոն հանքարերի ահուելի զանգվածներ։

Ներկայումս արդյունահանվող հանքարերի 95%-ից ավելին ենթարկվում են հարստացման, որոնց 90%-ը հարստացվում են ֆլոտացիոն եղանակով։ Դրանց թափոնները պարունակում են հիմնականում դատարկ ապարներ, իսկ մետաղների պարունակությունը հիմնականում կազմում է տոկոսի մինչև տասներորդական մասերը։ Բացի այդ, հարստապշերի հետ մեկտեղ պահեստարաններ են ուղարկվում ֆլոտացիոն ռեագենտների որոշ մասը, որոնցից շատերն իրենցից ներկայացնում են բունավոր նյութեր, որի հետևանքով ձևավորվում են վտանգավոր քափոնակույտեր։ Ծավալների մասին պատկերացում կազմելու համար նշենք միայն, որ 1 տ գունավոր մետաղ ստանալու պրոցեսում՝ հանքարարի արդյունահանման, նրա հարստացման և մետաղագործական

* E-mail: rubmov@ysu.am

վերամշակման արդյունքում, կախված հանքավայրի արդյունաբերական տիպից, կարող են առաջանալ մինչև մի քանի հազար տոննա թափոններ:

Հանքավայրի շահագործման պրոցեսում առաջանում են թագմաթիվ բնապահպանական խնդիրներ՝ օտարվում են գյուղատնտեսական և անտառային ահութի մակերեսներ, աղտոտվում են հողերը, ջրային և մքնողորտային ավազանները: Պահեստավորված թափոնները և ոչ կոնցենտրացիոն հանքաքարերը, ի հաշիվ նրանց յուրահատկությունների, պահպանման պրոցեսում ենթարկվում են էական փոփոխությունների: Դա առաջին հերթին վերաբերվում է գունավոր մետաղների տուփիտային միներալներին, որոնք թափոնակույտերում ենթարկվում են ինտենսիվ բնական քիմիական և մանրէաբանական տարրավացման, որի հետևանքով աստիճանաբար քայլավում են, հանդիսանալով՝ շրջակա միջավայրի աղտոտման հզոր աղբյուր: Լեռնանատառորդիական թափոնների տրոսիկությունը երկարաժամկետ պահպանման ընթացքում կարող է զգալիորեն ավելանալ օրսիդացման հետևանքով չլուծվող միացությունների և միներալների անցմանը լուծվող միջացությունների:

Բացի պինդ թափոններից, ջրային ավազաններ են թափվում միջինավոր m^3 կեղտաջրեր, կատարվում է ջրի ֆիլտրացիա պահեստարանների ամբարտակներով և այլն: Արդյունքում աղտոտվում են գրունտային ջրերը, ջրատար հորիզոնները, վտակները, գետերը, որոնք էլ բերում են խոշոր ջրային ավազանների աղտոտմանը:

Ըստ առաջացման բնույթի՝ տեխնածին հանքահումքային թափոնները (ՏՀՀԹ) ընդունված է բաժանել երկու տեսակի. 1) օգտակար հանածոների արդյունահանման արդյունքում առաջացած՝ մակարացման ապարներ, արտահաշվեկշռային հանքաքարերի լցակույտեր, որոնք ենթարկվել են միայն մեխանիկական ազդեցության (կոտրատում և տեղափոխում) և ապագայում կարող են մասնակիորեն օգտագործվել; 2) հանքային հումքի վերամշակման արդյունքում առաջացած թափոններ՝ շամի և պոչերի պահեստարաններ, մետաղագործական, քիմիական և այլ մշակման թափոններ և այլն [1]:

ՏՀՀԹ-ի օգտագործումը ներառում է երկու փոխկապակցված բաղադրիչներ՝ հանքահումքային և էկոլոգիական: Երկրաբանարդյունաբերական տեսանկյունից հանքահումքային թափոնների մի մասը պոտենցիալ երկրորդային հանքային ռեսուրսներ են, և անհրաժեշտ է գնահատել նրանց տնտեսական նշանակությունը: Էկոլոգիական տեսանկյունից դա շրջակա միջավայրի վրա բացասական ազդեցության հզոր աղբյուր է, որն անհրաժեշտ է վնասազերծել: ՏՀՀԹ օբյեկտների այդ առանձնահատկությունը կանխորոշում է նրանց երկրաբանական ուսումնավորության և գնահատման երկակի նպատակառողկածությունը՝ ռեսուրսային արժեքի բացահայտումը որպես երկրորդային հանքային հումք, և էկոլոգիական վտանգի բնույթի ու նրա վնասի արժեքի գնահատումը որպես շրջակա միջավայրի աղտոտման աղբյուր:

Ըստ հնարավոր օգտագործման ոլորտների առանձնացնում են ՏՀՀԹ-ի 3 տիպեր՝ 1 – շինարարական; 2 – մետաղագործական; 3 – կոմբինացված հումքի՝ շինանյութերի արտադրման և մետաղների կորզման համար:

Առաջին տիպի ՏՀՀԹ-ի իրացումն ապահովում է գրաված տարածքների ազատագրումը: Երկրորդ տիպին՝ մետաղների լրացուցիչ կորզումը առանց տարածքների զգայի ազատմանը և երրորդ տիպը՝ տարածքների մասնակի ազատում, մետաղների լրակրոգում և հողերի ոնկուլտիվացիա: ՀՀ թափոնների ճնշող մեծամասնությունը պատկանում է երրորդ տիպին և միայն փոքր մասը՝ առաջինի ու չնշինը՝ երկրորդին:

Թափոնների բնույթի և նրանց արդյունավետ օգտագործման կամ չեզոքացման ուղիները քննարկելու համար անհրաժեշտ է կատարել թափոնների մասնագիտացված երկրաբանատեխնոլոգիական հետազոտություններ: Հիմ պոչերը պետք է ենթարկվեն երկրաբանական հետազոտման և տեխնոլոգիական նմուշարկման: Այնուհետև նրանք պետք է անցնեն արդյունաբերական նշանակության գնահատում և էկոլոգիական փորձաքննություն՝ որոշելու նրանց հետ վարվելու եղանակները. արտադրել շինանյութեր, կորզել մետաղներ, թե՛ վնասազերծել և քաղել:

Թափոնների օգտագործման հեռանկարները որոշվում են տեխնածին հումքի վերամշակման ժամանակակից տեխնոլոգիաների մակարդակով և տնտեսագիտական նախադրյաներով՝ ինքնարժեքով, պահանջարկով և ինմանական սպառողմերի առկայությամբ: ՏՀՀԹ-ը հանքավայրի վերագրումը ենթարկում է օբյեկտի իրացման համար պահանջվող ծախսերի ետքնման ժամանակահատվածի լինթացքում թափոններից մրցունակ ապրանքային արտադրանքի ստացումը: Դրան կնպաստեն նաև պետության

կողմից տնտեսական խրախուսումների և հարկային արտոնությունների կիրառումը: Մյուս կողմից ձեռնարկությունները քիչ են շահագրգուսած գործող տեխնոլոգիաների կատարելագործմանը, քանի որ դրա համար չկան հարկային խթաններ (թափոնների օգտագործման համար) և գործող տույժեր (արտանորմների համար), իսկ զբաղեցրած հողատարածությունների համար՝ վճարվող բարձր բնավագրներ:

Որոնք ե՞ն ՏՀՀԹ-ի օգտագործման գրավիչ կողմերը:

Հումքի ներկային և մշտապես աճող պահանջարկը շահութաբեր է դարձնում տեխնածին առաջացումների վերամշակումն օգտակար տարրերի կորզման նպատակով: Դրան են նպաստում արդյունաբերության պահանջների և գների աճը (տարեկան 5–10%), տեխնածին թափոնների վերամշակման նորարարական տեխնոլոգիաների առկայությունը, խոշոր հանքավայրերի պաշարների սպառումը:

Արտասահմանում երկրորդային, ոչ ավանդական, այդ թվում լեռնարդյունաբերական թափոնների օգտագործումից ստացվում են մոտ 40% պղնձի, 35% ուլու և այլ մետաղների քանակությունները, որոնք զնարկ ավելանում են: Մետաղների կորզման ծախսերը այս դեպքում նվազում են 1,5-ից 4 անգամ: Դրան նպաստում են հումքի մակերեսում տեղադրվածությունը (արդյունահանված է ընդերքից), հանքաբարի պատրաստվածությունը (կոտրատված է և մանրացված), գործող լեռնահանքային ձեռնարկությունների ազդեցության գոտում գտնվելը, հողերի, որոնց վրա տեղադրված են թափոնները, դեֆիցիտն ու բարձր արժեքը, շրջակա միջավայրի աղտոտման համար բարձր վճարները:

Հանքային հումքի շահագործվող պաշարների սպառման պայմաններում և հայտնաբերվող հանքավայրերի հանքաբարերի, որպես կանոն, նվազող որակները և նրանց շահագործման համար անհրաժեշտ տրանսպորտային ու էներգետիկ ինֆրաստրուկտուրայի բացակայությունը, հումքի առավել խորը վերամշակման նորագույն տեխնոլոգիաների քանակության տարեկ տարի ավելացումը թափոնների երկրորդային օգտագործումը դարձնում են առավել զրավիչ: Բացի այդ, տեխնածին հանքահումքային առաջացումները գտնվում են տնտեսապես զարգացած շրջաններում, որտեղ առկա են շահագործման համար վերը թվարկված անհրաժեշտ բոլոր պայմաններն ու գործոնները:

Տեխնածին հանքահումքային առաջացումների օգտագործման հեռանկարները ցայտուն երևում են շինանյութերի արտադրության մեջ, որոնց համար նրանք հանդիսանում են հումքի անսպաս աղբյուր: Հատ միջազգային տվյալների դրա համար պիտանի են մակարացնան ապարների և հարստացնան պոչերի կեսից ավելին, գործնականում բոլոր մետաղագործական և վառելիքային շակները և այլն: Ավելի մեծ ծավալներով նրանք կարող են օգտագործվել որպես լցման և բալաստային հումք: Գնահատված է, որ արդյունաբերական թափոնների օգտագործումը բույլ է տալիս մինչև 40%-ով իջեցնել շինանյութերի արտադրության համար հումի պահանջարկը, 10–30% նվազեցնել արտադրության ընդհանուր ծախսերը և, ինչը շատ կարևոր է, ստեղծել բարձր տեխնիկատնտեսագիտական ցուցանիշներով բնութագրվող նոր շինանյութերի տեսակներ և նվազեցնել շրջակա միջավայրի աղտոտումը: Սակայն արտադրանքի գնի մեջ տրանսպորտային ծախսերի բարձր մասնաբաժնը նվազեցնում է նրանց մեծ մասի համար օգտագործման ոլորտը մինչև տեղական կամ ռեգիոնալ մակարդակը:

Այսօր թափոնները, որպես շնանյութի արտադրության հումք Հայաստանում, գործնականորեն չեն կիրառվում, չնայած հայրենական ժամանակակից բազմաթիվ տեխնոլոգիաների առկայությանը: Բացասական դեր է խաղում այստեղ տնտեսական խթանիչների բացակայությունը և թափոնների տակ գտնվող հողի ցածր արժեքը:

Հայաստանի տարածքում կան բազմաթիվ օգտակար հանածոների՝ պղնձի, մոլիբդենի և ուլու խոշոր, կապարի, ցինկի, արծաթի համեմատաբար փոքր կուտակումներ: Նրանց շահագործման հետևանքով առաջացել են մեծածավալ տեխնածին թափոններ, որոնք կարելի է դիտարկել որպես հանքային հումքի լրացուցիչ աղբյուրներ և որպես կուտակումներ, որոնք վտանգ են ներկայացնում շրջակա միջավայրի համար: Վերջինս հատկապես վերաբերվում է մետաղական օգտակար հանածոների արդյունահանման հետևանքով առաջացած թափոնակույտերին: Սակայն թափոնակույտերի ներուժի և վտանգի իրական պատկերի ստացման նպատակով անհրաժեշտ է կատարել ներկայումս կուտակվող թափոնակույտերի և հարստապշերի մշտադիտարկումներ, իսկ հիմ առաջացումները՝ հետախուզել:

ՀՀ մետաղական լեռնարդյունահանման ոլորտն ընդգրկում է գործող 12 հանք և բացահանք, 9 հարստացուցիչ ֆարրիկա, ուլու կորզման և գոման ֆարրիկաներ,

պղնձածուլական գործարան, մետաղների և համաձայվածքների արտադրման 2 ձեռնարկություն: Քազմաքիս են նաև ոչ մետաղական օգտակար հանածոների հանքավայրերը՝ տուֆների, պետլիտների, բենրոնիտների և այլն: ՀՀ-ում քափոնների 96%-ը առաջացել են միայն մետաղական հանքաքարերի արդյունահանումն և վերամշակման արդյունքում: Հանքապետության տարածքում առկա է 20 հարստավոչքների քափոննակույտ, որոնցից 7-ը կոնսերվացված են: Նրանցում կոտակված են 1,0 մլրդ. տ-ից ավել լեռնաարդյունաքարական քափոններ: Քաջարանի կոմբինատի հարստավոչքների քափոննակույտերում կոտակված են մոտ 600 մլն. տ, Ագարակի՝ 100 մլն. տ, Արարատի հարստացուցիչ ֆարբիկայում՝ 20 մլն. տ, Կապանի կոմբինատի պոչամքարներում՝ 8 մլն. տ, և մյուսներում՝ մոտ 10 մլն. տ: Պոչերի վերամշակում չի կատարվել և չի կատարվում, բացառությամբ Արարատի պոչապահեստարանի:

Նշենք հանքային հոմքի ռացիոնալ օգտագործման և շրջակա միջավայրի վրա բացասական ազդեցության մի քանի ուղղություններ:

Սնէ տնտեսական և բնապահպանական արդյունավետություն կարող է ունենալ հարստացուցիչ ֆարբիկաներում մետաղների կորզման աստիճանի բարձրացումը, այն հասցնելով միջազգային առաջատար ցուցանիշների: Օրինակ միայն Քաջարանում պղնձի կորզման աստիճանի 1%-ով բարձրացումը հավասարագոր է 300 տ պղնձի արտադրանքի ավելացմանը, ինչը եկամտահարկի տեսքով կազմի մոտ 2 մլն. ԱՄՆ դոլար: Հաշվի առնելով նաև 300 տ պղնձով շրջակա միջավայրի աղտոտումից վնասագերծումը, կստանանք բարձր տնտեսական և բնապահպանական արդյունավետություն: Իսկ կորզման աստիճանի 1%-ից ավել բարձրացումը և հանքաքարից նոյնիքնենի, որոշ հազվագյուտ և ցրված տարրերի, ինչպես նաև այլ ուղեկից օգտակար հանածոների կորզումը լիովին իրատեսական է:

Հանքապետության գործառնող մետաղների հանքավայրերում ոչ կոնյիցիոն հանքաքարերի հետ մեկտեղ արտահաշվելքուայինների թվին են դասվել ավանդական տեխնոլոգիաներով դժվար հարստացվող օրսիդացած և խառը տիպի հանքաքարերը: Նրանց համար նույնպես առկա են կորզման առաջատար տեխնոլոգիաներ, այդ թվում հայրենական: Հանքավայրերի բացման գործընթացում նրանք պետք է պահեստավորվեն առանձին բափոնակույտերում, որը ոչ միշտ է իրականացվել, բերելով շրջակա միջավայրի բնապահպանական լրացուցիչ ծանրաբեռնվածության ավելացմանը: Դրա բացասական օրինակն է Քաջարանի հանքավայրը, որտեղ օրսիդացած և արտաքալանսային հանքաքարերը պահեստավորվել են համատեղ: Որպես դրական օրինակ Ագարակի հանքավայրն է, որտեղ ներկայումս գուգահեռ շահագործվում են նախկինում արտահաշվելքուային համարվող առանձին պահեստավորված հանքաքարերը:

Ագարակի արտահաշվելքուային հանքաքարերի քափոնակույտերում (30 մլն. տ) պղնձի պարունակությունը հասնում է 0,2–0,23%, իսկ Մօ-լ՝ 0,015–0,018%: Պղնձի օրսիդացման աստիճանը կազմում է միջինը 39%: Օրսիդացած, խառը և աղքատ արտահաշվելքուային հանքաքարերից մետաղների կորզման տեխնոլոգիաները մշակվել են մեր հանքապետությունում ևս, որոնցով գրաղվել է Հայգունմետնախազիծ ինստիտուտը: Նրանց 50%-ը կորզելու դեպքում պետությունը հարկերի ձևով կարող է ստանալ լրացուցիչ տասնյակ մետր:

Տեխնածին առաջացումներից՝ արտահաշվելքուային, օրսիդացած և խառը պղնձի հանքաքարերից մետաղների կորզման ամենառաջիշտնալ եղանակներ հանդիսանում են ջրամետալորդիկական (կույտային և գուտային «չանային») և մանրէաբանական տարրալվացման համալիր եղանակները, որոնց հետ կարելի է համարել ծծմբաթթվային տարրալվացման եղանակը: Սանրէաբանական եղանակը արդյունավետ է կիրառել հատկապես հանքաքարերում շափազանց փոքր քանակություններով պարունակվող հազվագյուտ և ցրված տարրերի կորզման համար:

Իննային և էլեկտրաֆլուտացիոն եղանակների կիրառումը բույլ կտա արժեքավոր բաղադրիչները կորզել արտադրական լուծույթներից և հանքերից դրւու եկող տարրալվացում կատարած ջրերից, որոնցում առկա են որոշ մետաղների բարձր պարունակություններ: Նրանցում գունավոր և հազվագյուտ մետաղների պարունակությունները երբեմն հավասարվում են ավանդական ջրամետալորդիկական հումքին բնորոշ պարունակություններին [2]:

Մեկ այլ եկամտի աղբյուր կարող է հանդիսանալ մագնետիտը, որն առկա է Քաջարանի հանքավայրի հանքաքարերում: Մագնետիտը՝ երկարի հանքաքարերի

հիմնական միներայք, հարստացման պրոցեսում ներկայում ուղղարկվում է հարստապոչեր: Այն բնականորեն հարստացված է վաճառյումով և տիտանով: Հայզունմետնախազի ինստիտուտի կողմից մշակված տեխնոլոգիայով Քաջարանի կոմքինատի հարստապոչերից հնարավոր է ստանալ բարձրորակ վաճառյում և տիտան պարունակող մազնետիտային խտանյութ՝ տարեկան 100 հազ. տ քանակությամբ (կոմքինատի 15 մլն. տ տարեկան արտադրողականության դեպքում), ինչը գումարային արտահայտմամբ կապահովվի մետ 40 մլն. դրամ հասույթ, որից որպես եկանտահարկ պետությունը տարեկան կատանա 8 մլն. դրամ: Նշված մազնետիտային խտանյութից կարելի է ստանալ լեզվացված պողպատ կամ մարուր երկար, այն կարող է օգտագործվել նաև ֆերոմոլիբդենի արտադրության մեջ [3]:

Սակայն տեխնածին հոմքի ամենամեծ ծավալները պետք է օգտագործվեն շինանյութերի արտադրման համար, հայրենական մշակման տեխնոլոգիաներով: Ստացված արտադրանքը կարելի է կիրառել հանրապետական նշանակության շինարարական նախագծերում: Այս ուղղությունը հանդիսանում է ամենահեռանկարայինն ու կարևորը, քայլ առանց պետության միջամտության խնդիրը հնարավոր չի լինի լուծել:

Բերված փաստերը վկայում են լեռնարդյունաբերական քափոնների տնտեսական զգալի ներուժի և բնապահպանական վտանգի մասին: Համարում ենք, որ պետության դերը քափոնների, որպես հոմքի երկրորդային աղբյուր, օգտագործման և նրանց շրջակա միջավայրի վրա բացասական ազդեցության նվազեցման գործում, չի կարելի թերազնահատել և առանց նրա անմիջական մասնակցության հնարավոր չէ հասնել ցանկալի արդյունքների, հատկապես օրենսդրական դաշտում:

Քարձագված հարցերի լուծման համար անհրաժեշտ է գործածել համալիր մուտեցում: Առաջին հերթին անհրաժեշտ է ձեռնարկել հետևյալ միջոցառումները տեխնածին առաջացումները տնտեսության մեջ ակտիվ ներգրավելու համար (անկախ քափոնների պատկանելիությունից):

- անցկացնել տեխնածին քափոնների հաշվառում և դասակարգում. քափոնների նույնականացումն ունի առաջնահերթ նշանակություն նրանց վերամշակման համար, քանի որ նրանց յուրաքանչյուր տիպ վերամշակվում է տարբեր ներդրումներով;

- անցկացնել տեխնածին քափոնների վտանգավորության և հանքահումքային ներուժի ընդհանուր գնահատում, առանձնացնել առաջնահերթ օբյեկտները նրանց վնասազերծման կամ շահագործման համար;

- կատարել տեխնածին կուտակումների երկրաբանատնտեսագիտական գնահատում, նպատակ ունենալով բացահայտել արդյունաբերական նշանակության օբյեկտները՝ տեխնածին հանքավայրերը;

- տեխնածին քափոնների շրջանառության մեջ ակտիվ ընդգրկման համար ձեռնարկություններին պետության կողմից տրամադրել տնտեսական խրախուսումներ և հարկային արտոնություններ:

Երկրորդ հերթին խստացնել օրենքները և պարտադրել բնությանը հասցրած վնասների համար վճարել բարձր հարկեր, որոնք հավասարագոր կիխնեն քափոնների ուժիկացման ու վնասազերծման աշխատանքների արժեքներին: Դրանով ընդերքօգտագործողը հնարավորություն կունենա ընտրություն կատարել, վճարել հարկեր կամ ազատվել դրանցից՝ վնասազերծելով քափոնները:

Դա կիրանի նաև ինովացիոն տեխնոլոգիաների ներդրմանը, որոնք ապահովում են նվազագույն արտանիւններ, և որոնց դեպքում բնության ինքնամարման հնարավորությունը զգալիորեն կխոչնորությ է կորուգիտական անդառնալի փոփոխությունների առաջացմանը [1]: Խոսքը գտնվ է ցածր քափոնային տեխնոլոգիայի (Resource-saving technology) մասին: Նրա օգտագործման դեպքում մնացորդային տնտեսական վնասը կազմում է 15%-ից ոչ ավել: Դա վերաբերվում է փակ տեխնոլոգիական ցիկլերին, որոնց դեպքում գրեթե ամբողջովին օգտագործվում է ներմուծվող հոմքը՝ առաջանելով նվազագույն քանակությամբ քափոններ:

Զարգացած երկրների նպատակն է պետական մակարդակով հասնել նրան, որ որպես հիմնական օգտագործվող ռեսուսներ դառնան երկրորդային հանքահումքային ռեսուրսները, իսկ առաջնային հոմքը արդյունահանվի միայն կորուստների լրացման և արտադրության ընդլայնման համար: Այսպիսով, տեխնոլոգիաների առավել բնապահպան լինելը պետք է դառնա ժամանակակից լեռնարդյունաբերական ձեռնարկության նախագծման հիմնարար սկզբունք:

Երկրի տնտեսական զարգացումն որոշվում է արդյունահանված հումքի ռազմական և ինովացիոն օգտագործումով: Պեսոր է հիշել, որ երկրի ընդերքի հարստությունը սպառվող է, այդ իսկ պատճառով միներալային հումքի արդյունահանումից ստացված գումարներն անհրաժեշտ է ներդրումների տեսքով վերադարձնել տնտեսություն ինովացիոն, գիտածավալուն և ռեսուրսախնայող արտադրությունների ստեղծման համար, ինչպես նաև սոցիալական և բանապահպանական ոլորտ՝ առաջին հերթին այն տարածքներում, որտեղ գտնվում են հանքավայրերը:

Աշխատանքը կատարվել է ԵՊՀ “Կայուն զարգացման” կենտրոնում, ԵԱՀԿ Երևանյան գրասենյակի անմիջական աջակցությամբ:

Ստացվել է 29.08.2013

ԳՐԱԿԱՆՈՒԹՅՈՒՆ

1. Техногенные минерально-сырьевые ресурсы. Под ред. Б.К. Михайлова. М.: Научный мир, 2012, 236 с.
2. Шагинян Г.В. Эколого-геохимическая характеристика и оценка состояния некоторых участков Алавердского рудного района. // Изв. НАН РА. Науки о Земле, 2012, № 3, с. 60–69.
3. Алоян П.Г., Алоян Г.П. Ресурсный потенциал рудного сырья Армении. Еր.: ГЕОИД, 2008, 604 с.

Р. С. МОВСЕСЯН

ОТХОДЫ ГОРНОРУДНОЙ ПРОМЫШЛЕННОСТИ РА: ПРОБЛЕМЫ И ПУТИ ИХ РЕШЕНИЯ

Резюме

В процессе отработки месторождений полезных ископаемых, которая проводится в основном открытым способом, накапливаются огромные количества техногенных отходов: вскрышных пород, забалансовых руд и хвостов обогащения руд. Данные отходы включают две взаимосвязанные составляющие: минерально-сырьевую и экологическую. С геолого-промышленных позиций – это потенциальные вторичные минеральные ресурсы, а с экологических – источники загрязнения окружающей среды.

В РА накопилось и продолжает накапливаться огромное количество горнорудных отходов, неправильная политика в отношении которых может привести к весьма сложным ситуациям.

R. S. MOVSESYAN

WASTES OF MINING INDUSTRY OF RA: PROBLEMS AND WAYS OF SOLVING THEM

Summary

In the course of working off of mineral deposits, which is carried out basically by open way, huge quantities of technogenic waste is accumulated: overburden rocks, discarded ores and tails of ores enrichment. The given waste includes two interconnected components: mineral raw and ecological. From geological industrial positions they are potential secondary mineral resources. From ecological position they are sources of environment pollution.

In RA has been collected and large quantity of mining waste continues to be accumulated, the wrong policy to which can lead to rather difficult situations.